

ქ. თბილისი

20.09 2017 წ.

შემსყიდველი: საქართველოს განათლებისა და მეცნიერების სამინისტრო, წარმოდგენილი ეკონომიკური დეპარტამენტის უფროსის ფუნქციითა შემსრულებლის მამუკა ბერიძის სახით.

მისამართი: ქ. თბილისი, დ. უზნაძის ქ. №52;

ტელ.: 2200220

საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;

საიდენტიფიკაციო კოდი 202051224;

მიმწოდებელი: შპს „თამაშობანა“, წარმოდგენილი დირექტორის ნონა სონდულაშვილის სახით

მისამართი: ქ. თბილისი, ალ. ყაზბეგის გამზ. 14ა

ტელ: +995599140330

საბანკო რეკვიზიტები: სს „თიბისი ბანკი“, კოდი: TBCBGE22, ა/ა GE63TB7207536020100002

საიდენტიფიკაციო კოდი: 405095169

ერთი მხრივ - შემსყიდველი და მეორე მხრივ - მიმწოდებელი, NAT170010059 ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.

1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

ხელშეკრულების საგანია სკოლებისთვის საჩუქრად გადასაცემად სამაგიდო თამაშის - „აფორიზმობანა“ (CPV37500000) შესყიდვა, რომლის რაოდენობა და აღწერილობა მოცემულია წინამდებარე ხელშეკრულების დანართში.

3. ხელშეკრულების ჯამური ღირებულება

3.1 ხელშეკრულების საერთო ღირებულება შეადგენს 36000,0 (ოცდათექვსმეტი ათასი) ლარს.

3.2 საქონლის ერთეულის ფასები მოცემულია დანართში.

3.3 ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.2 ანგარიშსწორება შესაძლებელია განხორციელდეს ეტაპობრივად, ფაქტიურად მიწოდებული საქონლის ღირებულების მიხედვით, მიღება-ჩაბარების აქტის გაფორმებისა და შესაბამისი ფინანსური დოკუმენტაციის წარმოდგენის საფუძველზე.

4.3 მიმწოდებელთან ანგარიშსწორება განხორციელდება შესაბამისი დოკუმენტაციის ხელმოწერიდან 10 სამუშაო დღის განმავლობაში.

4.4 დაფინანსების წყარო: "სკოლების საგრანტო დაფინანსების პროგრამის "თავისუფალი გაკვეთილები", (პროგრამული კოდი 320213).

5. შესყიდვის ობიექტის მიღება-ჩაბარების წესი

5.1 შესყიდვის ობიექტი ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.

5.2 მიღება-ჩაბარების აქტის გაფორმების საფუძველია წინამდებარე ხელშეკრულების მე-8-ე მუხლით განსაზღვრული კონტროლის განმახორციელებელი პირის დასკვნა.

5.3 შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს ზოგადი განათლების მართვისა და განვითარების დეპარტამენტის, პოლიტიკისა და პროგრამების სამმართველოს უფროსი ან მისი მოვალეობის შემსრულებელი.

6. შესყიდვის ობიექტის მიწოდების ვადა და ადგილი

6.1 შესყიდვის ობიექტის მიწოდება განხორციელდება ხელშეკრულების გაფორმებიდან 20 კალენდარული დღის ვადაში.

6.2 საქონლის მიწოდების ადგილია ქ.თბილისი, დ. უზნაძის ქ. N52.

7. მხარეთა უფლება-მოვალეობები

7.1. მიმწოდებელი ვალდებულია:

7.1.1. შემსყიდველს მოაწოდოს ხელშეკრულებაში მითითებული საქონელი წინამდებარე ხელშეკრულებით გათვალისწინებულ ვადაში. იგი პასუხისმგებელია მოწოდებული საქონლის ხარისხზე;

7.1.2 მიწოდებულმა საქონელმა არ უნდა გამოავლინოს არავითარი ნაკლი მისი ექსპლუატაციაში შესვლის მომენტში. მიმწოდებელმა საკუთარი ხარჯებით უნდა უზრუნველყოს საქონლის მიწოდებისას ან ექსპლუატაციაში შესვლის პერიოდში გამოვლენილი ყველა დეფექტის ან ნაკლის აღმოფხვრა შეტყობინებიდან 3 (სამი) სამუშაო დღის ვადაში. რაც გულისხმობს, წუნდებული საქონლის შეცვალას ახლით.

7.1.3 შემსყიდველს წარუდგინოს ნივთობრივად და უფლებრივად უნაკლო ნივთი. იმ შემთხვევაში თუ გამოვლინდა ნივთის ნაკლი პასუხისმგებლობა სრულად ეკისრება მიმწოდებელს.

7.2 მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

7.3 შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

7.4 შემსყიდველი უფლებამოსილია:

7.4.1 ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

7.4.2 წინამდებარე ხელშეკრულების საგნით გათვალისწინებული ნაწარმოების ასლების შესყიდვასთან ერთად, გამოიყენოს აღნიშნული ნაწარმოები სკოლებში, საგანმანათლებლო მიზნებისათვის, დროში შეუზღუდავად.

8. ხელშეკრულების შესრულების კონტროლი

8.1 შესყიდვის ობიექტი მიღებულად ჩაითვლება მხოლოდ შემდეგი პირობებით:

მიმწოდებლის მიერ ხელშეკრულებით გათვალისწინებული საქონლის შემსყიდველისათვის მიწოდებისას კონტროლის განმახორციელებელი პირი ამოწმებს მხოლოდ საქონლის დასახელებას, მოწოდების ვადებს და რაოდენობას, რომლის შემოწმებას არ სჭირდება დამატებითი ვადა და ადასტურებს შესაბამისი დასკვნით, ხოლო ამის შემდეგ მიმწოდებელსა და შემსყიდველს შორის ფორმდება მიღება-ჩაბარების აქტი.

8.2 ხელშეკრულების 8.1 პუნქტით გათვალისწინებულ კონტროლს განახორციელებს პოლიტიკისა და პროგრამების სამმართველოს უფროსი სპეციალისტი რუსუდან გოჩიაშვილი.

9. ხელშეკრულების პირობების შეუსრულებლობა

9.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,5%-ის ოდენობით.

9.2 მიმწოდებლის მიერ ხელშეკრულებით ნაკისრი ვალდებულების არაჯეროვანი შესრულების ან/და შეუსრულებლობის შემთხვევაში მას დაეკისრება პირგასამტეხლოს გადახდა ხელშეკრულების ღირებულების 5%-ის ოდენობით.

9.3 იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულებას დააგვიანებს 10 კალენდარული დღით, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე გამოიყენოს ამ პუნქტის 9.2 ქვეპუნქტით გათვალისწინებული პირობები.

9.4 თუ აღმოჩნდება, რომ წინამდებარე ხელშეკრულების 10.1 მუხლში ავტორის მიერ გაკეთებული განცხადებიდან, ერთ-ერთი მაინც არ შეესაბამება სიმართლეს, ავტორი ვალდებულია იღებს გადაუხადოს შემსყიდველს პირგასამტეხლო, ხელშეკრულების ღირებულების ათმაგი ოდენობით.

9.5 თუ აღმოჩნდება, რომ წინამდებარე ხელშეკრულების 10.1 მუხლში ავტორის მიერ გაკეთებული განცხადებიდან ერთ-ერთი მაინც არ შეესაბამება სიმართლეს, შემსყიდველი უფლებამოსილია ცალმხრივად შეწყვიტოს ხელშეკრულების მოქმედება, ხოლო ავტორი ვალდებულია დაუბრუნოს შემსყიდველს წინამდებარე ხელშეკრულებით განსაზღვრული თანხა და აუნაზღაუროს ამ მუხლის 9.4 პუნქტში მითითებული პირგასამტეხლო.

9.6 მე-4 მუხლის 4.3 პუნქტში მითითებული ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.7 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 თვის ვადისა.

10. მიმწოდებლის (ავტორის) პასუხისმგებლობა

10.1 მიმწოდებელი (ავტორი) ადასტურებს, რომ:

10.1.1 ნაწარმოები შექმნილია პირადად მის მიერ და იგი დეპონირებულია სსიპ - საქართველოს ინტელექტუალური საკუთრების ეროვნულ ცენტრში - „საქპატენტში“ (დეპონირების მოწმობა N 7071 თან ერთვის ხელშეკრულებას და წარმოადგენს მის განუყოფელ ნაწილს);

10.1.2 ნაწარმოები არის ორიგინალური;

10.1.3 ნაწარმოების შექმნით არ დარღვეულა მესამე პირის საავტორო უფლება ლიტერატურულ ნაწარმოებებზე;

10.1.4 არ გადაუცია ან არ გადასცემს აღნიშნულ ნაწარმოებზე სხვა პირებს საავტორო უფლებებს იმ ფორმით, რამაც შეიძლება შეზღუდოს ან შეუძლებელი გახადოს შემსყიდველის მიერ ნაწარმოების ნებისმიერი სახით გამოყენება;

10.1.5 არ განუხორციელებია სხვა ისეთი ქმედება, რომელმაც შეიძლება შეზღუდოს ან შეუძლებელი გახადოს შემსყიდველის მიერ ნაწარმოების ნებისმიერი სახით გამოყენება.

10.2. ავტორის პასუხისმგებლობა:

თუ აღმოჩნდება, რომ წინამდებარე ხელშეკრულების 10.1 მუხლში ავტორის მიერ გაკეთებული განცხადებიდან ერთ-ერთი მაინც არ შეესაბამება სიმართლეს, რის გამოც მესამე პირები შემსყიდველს წარუდგენენ პრეტენზიას, მოთხოვენ ნაწარმოების გამოყენების შეწყვეტას, ან სხვაგვარად შეზღუდავენ მის უფლებებს, ავტორი ვალდებულია იღებს თავისი ხარჯით მოაგვაროს ფინანსური და სხვა სახის ურთიერთობები პრეტენზიების წარმდგენ პირებთან.

11. ხელშეკრულებაში ცვლილებების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.4 თუ რაიმე წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.5 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. ფორს-მაჟორი

12.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს არ გამოიწვევს წინამდებარე ხელშეკრულებით გათვალისწინებული სანქციების გამოყენებას.

12.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

12.3 მიმწოდებლის მიერ ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.

12.4 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

15. ხელშეკრულების მოქმედების ვადა

15.1 ხელშეკრულება ძალაში შედის მისი ხელმოწერის დღიდან და მოქმედებს 2017 წლის 17 ნოემბრის ჩათვლით, მხარეთა მიერ ნაკისრი ვალდებულებების სრულად შესრულებამდე.

15.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

16. ზოგადი დებულებები

16.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

16.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

16.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

16.4 ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

შემსყიდველი

მამუკა ზვინაძე



მიმწოდებელი:

ნონა სონდულაშვილი

დანართი

N	დასახელება	აღწერილობა	რ-ბა (ცალი)	ერთ. ფასი	სულ ფასი	მწარმოებელი ქვეყანა	მწარმ. კომპანია
1	სამაგიდო თამაში "აფორიზმობანა"	აფორიზმობანა არის სამაგიდო თამაში. მისი თამაში შესაძლებელია ორნაირად: აფორიზმობანა ლოტო და აფორიზმობან ასოციაციობანა. პირველი წესით თამაში შედარებით დაბალი კლასებისათვის არის რეკომენდირებული, როდესაც მოთამაშეები კარგად არ იცნობენ თამაშში ჩართულ ლიტერატურას; მეორე წესით კი თამაში სწავლის პროცესს უფრო სახალისოს და დასამახსოვრებელს ხდის მარალი კლასებისათვის, რადგან ისინი ამ ლიტერატურას უკვე იცნობენ. თამაშის კომპლექტი შედგება აფორიზმების/ანდაზის/გამონათქვამების ბარათებისაგან, კამათლისაგან, ლოტოსათვის სიტყვების პატარა ბარათებისაგან და ტომრისაგან.	2000	18,0	36000,0	საქართველო	შპს „თამაშობანა“

შემსყიდველი

მამუკა ბერიძე



მიმწოდებელი:

ნონა სონდულაშვილი

ხელწერილი ინტერესთა კონფლიქტის არ არსებობის შესახებ

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, საქართველოს განათლებისა და მეცნიერების სამინისტროსა და შპს „თამაშობანას“ შორის სამაგიდო თამაშების შესყიდვის მიზნით გასაფორმებელი ხელშეკრულების ფარგლებში მიღება-ჩაბარებისა და კონტროლის აქტზე ხელმოწერი პირები სრულად ვაკმაყოფილებთ კანონის ამ მოთხოვნას და არ ვიმყოფებით ინტერესთა კონფლიქტში მიმწოდებელთან.

მიღება-ჩაბარების აქტის ხელმოწერაზე უფლებამოსილი პირი:

პოლიტიკისა და პროგრამების სამმართველოს უფროსი /თამარ მაღაზონია/



კონტროლის აქტის ხელმოწერაზე უფლებამოსილი პირი:

პოლიტიკისა და პროგრამების სამმართველოს უფროსი სპეციალისტი

/რუსუდან გოჩიაშვილი/



2017 წელი